

LLAWLYFR



Ysgol Bro
Plenydd
2024 – 2025



Annwyl Riant / Warcheidwad,



Croeso cynnes i Ysgol Bro Plenydd ! Rhoddwyd y llyfryn hwn at ei gilydd er mwyn cyflwyno gwybodaeth bwysig am yr ysgol i rieni a darpar rieni.

Dylai'r cyfnod hwn fod yn un hapus ym mywyd eich plentyn pan mae fel sbwng chwilfrydig yn barod i dderbyn gwybodaeth a syniadau newydd a phan mae yn rhyfeddu ar y byd o'i gwmpas. Mae gan eich plentyn yr hawl i'r cyfleoedd addysgol gorau y gallwn eu darparu.

Ein nod yn Ysgol Bro Plenydd yw ein bod yn meithrin disgyblion hyderus fydd ym mwynhau dysgu ac sydd wedi eu harfogi a'r sgiliau anghenrheidiol i fod yn ddysgwyr gydol oes yn y byd sydd ohoni heddiw. Bydd angen i blentyn allu gwyneb sialensau dysgu yn annibynnol, cydweithio ag eraill a chymhwyso sgiliau ymchwiliol i bob sefyllfa.

Rydym am i'n disgyblion adael yr ysgol gydag atgofion melys a hapus o'u cyfnod yma ond hefyd yn unigolion hyderus sy'n barod i wynebu'r her nesaf.

Credwn ei bod yn holl bwysig fod eich plentyn yn hapus yn yr ysgol ac yn teimlo ei fod yn perthyn i'r gymuned groesawgar, ysgogol, diogel a gweithgar yr ydym fel staff addysgu yn geisio ei meithrin yma.

Mae'n bwysig hefyd fod ein disgyblion yn ran o gymuned ddisgybledig sy'n dysgu ymddygiad o'r radd flaenaf. Mae dysgu parch, goddefgarwch ac empathi tuag at eraill yn flaenoriaeth.

Mae pob plentyn yn yr ysgol hefyd yn ran o gymuned eangach. Mae'n nod gennym fod pob plentyn yn dod i adnabod a gwerthfawrogi y diwylliant Cymreig sy'n ran o gymuned yr ysgol hon. Ar y llaw arall mae pob plentyn hefyd yn ddinesydd byd eang ac mae datblygu cydwybod pryderus ynglyn a sefyllfa ein cyd dyn a'n planed yn bwysig. Mae'r dyfodol yn nwylo ein plant.

Credwn yn gryf fod cydweithio a rhannu gweledigaeth ac egwyddorion rhwng cartref ac ysgol yn holl bwysig. Partneriaeth rhyngthoch a ninnau yw addysg eich plentyn ac fe wnawn bopeth i hyrwyddo eich dealltwriaeth o'r broses addysgu a'r hyn y gallwch ei wneud adref i hyrwyddo addysg eich plentyn.

Yn Gywir,

Carys Hughes [Pennaeth]

Ysgol Bro Plenydd



Ysgol Bro Plenydd

Y Ffor

Pwllheli

Gwynedd

LL536UP

Rhif ffon: 01766 810625

E - bost :

Carys.Hughes@broplenydd.ysgoliongwynedd.cymru

Pennaeth: Mrs Carys Hughes B.A

Cadeirydd y Corff Llywodraethol :

Mrs Caryl Wynn Jones-Parry



Trefniadaeth Yr Ysgol 2024—2025

Bydd 3 dosbarth yn yr ysgol eleni. Dyma restr o'r dosbarthiadau hynny a tim staff Ysgol Bro Plenydd :

Dosbarth Y Blynyddoedd Cynnar:

Athrawon : Mrs Rowena Thomas a Miss Hayley Griffith

Uwch Gymhorthydd : Mrs Netta Pritchard

Cymhorthyddion : Miss Cari Ann Jones

Mrs Carys Roberts

Cymhorthyddion ADY— Miss Lois Gwynedd Jones

Miss Tammy Wyn Jones

Miss Sophie Jane Pritchard

Dosbarth Blwyddyn 2 a 3:

Athrawes : Mrs Mererid Prys Owen

Dosbarth Blwyddyn 4, 5 a 6 :

Pennaeth / Athrawes : Mrs Carys Hughes

Cymhorthydd Dysgu / Cerc Cyffredinol

Mrs Catherine Martin

Athrawes Lanw Reolaidd :

Mrs Sianelen Fleming

Goruchwylwraig Amser Cinio a Clwb Brecwast:

Mrs Ann Parry

Cogyddes : Mrs Ellen Jenkins

Cynorthwydd Cegin : Mrs Josephine Campbell

Gofalwr: Mr Eirion Morris Jones

Cymhorthydd SIMS—Mrs Elen Wyn Jones



Math o Ysgol

Ysgol Gynradd Sirol [Meithrin, Babanod a lau] yw'r ysgol hon. Mae'n ysgol ddyddiol, ddwyieithog, gydaddysgol. Mae'n ysgol gymuned.



Safle'r Ysgol

Mae Ysgol Bro Plenydd yn sefyll ar briffordd yr A499 ym mhentref Y Ffor tua pedair milltir i'r gogledd o dref Pwllheli. Agorwyd yr ysgol yn 1912 fel un o'r ddwy 'open air school' a agorwyd yn yr hen Sir Gaernarfon ar y pryd. Cyn ei hagor addysgwyd plant yr ardal yn hen Ysgol Plasgwyn ar gyrion y pentref. Hyd yn ddiweddar roeddem yn rhannu y safle gyda Ysgol Arbennig Hafod Lon. Yn y flwyddyn 2000 ychwanegwyd estyniad newydd i'r ysgol a gynhwysai ystafell ddosbarth ychwanegol, toiled anabl a chyntedd helaeth. Yn yr un flwyddyn sicrhawyd lle chwarae caled i blant y Cam Sylfaen. Tu ol i'r ysgol mae maes chwarae cymunedol eang. Rhwng naw y bore a hanner awr wedi tri y prynhawn y ddwy ysgol yn unig sydd a'r hawl i'w ddefnyddio. Mae'r Corff Llywodraethol ynghyd a'r Gymdeithas Rieny yn cydweithio a'r ysgol er mwyn sicrhau fod yr amgylchfyd yn cefnogi a chyfoethogi y profiadau dysgu a gynigir yma. Maent hefyd yn gwrando ac yn ymateb i ddyheadau y plant ynglyn a'r ffordd ymlaen i wella yr amgylchfyd.



Oriau'r Ysgol -

	Sesiwn y Bore	Egwyl y Bore	Cinio	Sesiwn y Pryn-hawn	Egwyl y Pryn-hawn
Blynyddoedd	9am— 11.45am	10.15am—	11.45am -	1.00pm -	2.15pm—
Cynnar		10.30am	12.45pm	3.30pm	2.30pm
Plant 7—11	9am— 12.15pm	10.30 am -	12.15pm—	2.15pm—	2.15pm—
		10.45am	1.15pm	2.30pm	2.30pm

Danfon a Chasglu Eich Plant

Bydd yr ysgol yn agored i'r plant o 8.40am bob bore. Ni chaniateir mynediad cyn yr amser hwn ac ni dderbynnir cyfrifoldeb am oruchwyliaeth.

Caniateir mynediad i blant sy'n mynychu y Clwb Brecwast o 8.10am hyd 8.30am.

Mae'r ysgol yn annog rhieni i gerdded i'r ysgol neu rannu ceir wrth ddanfon a chasglu eu plant.

Oherwydd natur brysur y briffordd y tu allan i'r fynedfa mae Corff Llywodraethol yr ysgol mewn ymgynghoriad ag Adrannau Diogelwch a Thrafnidiaeth Cyngor Gwynedd yn caniatáu i rieni ddefnyddio System Unffordd drwy iard Ysgol Bro Plenydd ac hen Ysgol Hafod Lon ar gyfer y pwrpas o ddanfon a chasglu plant. Ar ddechrau pob blwyddyn ysgol bydd rhieni yn cael eu gwahodd i gytuno i reolau ac amodau y system cyn derbyn yr hawl i'w defnyddio. Mae copi o amodau defnyddio y System Unffordd ar wefan yr ysgol yn ogystal.



Polisi Derbyn

Rhaid gwneud cais am fynediad i'r ysgol drwy gysylltu gydag Awdurdod Addysg Gwynedd. Er mwyn gwneud cais am le yn yr ysgol rhaid cyflwyno ceisiadau unai yn uniongyrchol i'r Cyngor neu drwy'r ysgol cyn **Chwefror 1af 2025**. Bydd y ffurflenni cais pwrpasol ar gael yn yr ysgol drwy law y pennaeth neu gan y Gwasanaeth Ysgolion. Mae rhagor o wybodaeth ar gael ar wefan Cyngor Gwynedd : www.gwynedd.gov.uk.

Derbynir plant i'r Flwyddyn Feithrin yn rhan amser yn y mis Medi yn dilyn eu penblwydd yn 3 oed. Bydd cyfarfod arbennig yn cael ei drefnu ar gyfer darpar rieni iddynt gyfarfod staff y dosbarth a chael gweld yr ysgol yn ystod y tymor cyn i'w plant gychwyn.

Cyn i blant gychwyn yn llawn amser yn y Flwyddyn Derbyn yn yr ysgol yn y mis Medi yn dilyn eu penblwydd yn 4 oed bydd rhaid i rieni gyflwyno ail gais i sylw yr Awdurdod. Ystyrir ceisiadau yn unol a chanllawiau sydd yn y polisi derbyn.

Trosglwyddo i'r Ysgol Uwchradd

Trosglwyddir disgyblion yn 11 oed i Ysgol Glan y Mor. Datblygwyd cysylltiadau cryf gyda'r ysgol uwchradd a thrwy drefniadau pontio caiff disgyblion gyfleoedd i ymweld a'r ysgol ar sawl achlysur cyn trosglwyddo er mwyn ymgyswngu a'r staff addysgu a'r adeilad. Bydd athrawon o'r uwchradd yn ymweld a Blwyddyn 6 yn Ysgol Bro Plenydd yn ystod y tymor cyn trosglwyddo.

Iechyd a Diogelwch

Cymerir pob gofal posibl am ddiogelwch plentyn tra byddent yn yr ysgol. Os bydd plentyn yn sal neu mewn damwain cysylltir a'r rhieni. Os bydd angen fe gysylltir a'r gwasanaethau brys neu byddwn yn cludo plentyn yn syth i Ysbyty Bryn Beryl neu Ysbyty Gwynedd. Byddwn yn gofyn i chi lenwi Ffurflen Caniatad Rhieni ar Gyfer Triniaeth Frys ar gychwyn blwyddyn ysgol newydd.



Rhoddir moddion i blentyn mewn achosion arbennig yn unig a hynny ar ôl derbyn cyfarwyddyd ysgrifenedig gan riant yn unol â pholisi yr ysgol. Caniateir i ddisgyblion gario eu hanadlyddion asthma eu hunain drwy gais ysgrifenedig gan riant. Mae'r ffurflenni perthnasol ar gael yn yr ysgol drwy law'r pennaeth ac mae copi ohonynt ynghyd a'r polisi ar wefan yr ysgol.



Ni chaniateir i ddisgybl adael yr ysgol cyn diwedd y diwrnod ysgol heb ganiatad. Os bydd angen gwneud newid i'r trefniadau arferol yna bydd angen i'r rhiant gysylltu a'r pennaeth neu'r athrawon perthnasol o flaen llaw.

Mae angen i bob ymwelydd a'r ysgol yn ystod y dydd ganu'r gloch wrth y brif fynedfa cyn cael mynediad i'r ysgol. Bydd disgwyl i ymwelwyr gofnodi yn ddigidol wrth gyrraedd ac arwyddo allan ar ddiwedd yr ymweliad.

Mae system larwm tan ac atal lladron yn yr ysgol a brofir yn rheolaidd. Cynhelir ymarferion tân yn dymhorol. Y man ymgynnull mewn argyfwng yw Prif Iard yr ysgol.

Mae gan yr ysgol berson dynodedig Cymorth Cyntaf yn ogystal â pherson a enwir sydd yn derbyn hyfforddiant yn rheolaidd. Mae bocsys Cymorth Cyntaf ar dri safle yn yr ysgol ac fe adolygir eu cynnwys yn rheolaidd.



Awyrgylch ac Ethos

Mae Ysgol Bro Plenydd yn ysgol hapus sy'n gwneud ei gorau yn barhaus i sicrhau fod pob disgybl yn teimlo'n aelod o deulu yr ysgol. Ymfalchiwn yn y ffaith fod y mwyafrif o ymwelwyr a'r ysgol yn cydnabod yr ymdeimlad cartrefol a'r awyrgylch gyfeillgar a disgybledig sy'n bodoli yma. Mae'r awyrgylch hapus a gweithgar yn seiliedig ar gydberthynas o barch a gofal rhwng athrawon a disgyblion a disgyblion a'i gi-lydd. Mae hyn yn galluogi y disgyblion i ymagweddu'n gadarnhaol a datblygu hunan hyder a hunan ddelwedd bositif wrth ymdrin ag ef eu hunain ac eraill.



NOD

Pwrpas yr ysgol yw creu sefyllfaoedd a chyflenwi adnoddau a fydd yn galluogi pob plentyn i dyfu'n bersonoliaeth lawn, i ddatblygu ac ymarfer ei holl ddoniau. Bydd y sefyllfaoedd a'r adnoddau hyn yn darparu ar gyfer pob plentyn yn ôl oedran, gallu a diddordeb, ac yn cymhwyso i fod yn aelodau cyfryfol o gymdeithas ddwyieithog, yn aelodau a fydd yn gallu cyfrannu a derbyn oddi wrthi gan fyw mewn hedd a brawdgarwch gyda'i gyd-ddyn.

Golyga hyn:

- 1) Alluogi pob plentyn i ddatblygu'i hun i'w lawn bontensial.
- 2) Sicrhau bod pob plentyn yn cael ei gyflwyno i'r etifeddiaeth Gymreig.
- 3) Rhoi cyfle i bob plentyn ddatblygu fel aelod llawn o gymdeithas sy'n prysur newid.

Amcanion Cyffredinol yr Ysgol:

- 1) Dylai pob plentyn deimlo'n hapus a diogel mewn awyrgylch gartrefol.
- 2) Dylai pob plentyn gael y cyfle i ddatblygu hyd eithaf ei allu ym mhob agwedd o'r cwricwlwm.
- 3) Dylai'r ysgol gyflwyno addysg sy'n ystyrlon ac yn berthnasol i brofiad disgybl yn y gymuned.
- 4) Dylai'r ysgol hybu a datblygu dwyieithrwydd.
- 5) Dylai'r ysgol gynnig cyfle cyfartal i bob disgybl.
- 6) Dylai'r ysgol hybu cysylltiad a chydweithrediad rhieni.
- 7) Dylai'r ysgol feithrin parch at eiddo ac at bersonau eraill.
- 8) Dylai'r ysgol ysgogi cysylltiad â'r gymuned.
- 9) Dylai'r ysgol bwysleisio ymddygiad, cwrteisi ac ymddangosiad.
- 10) Dylai'r ysgol feithrin athrawon ymroddgar a brwdfrydig.



Cytundeb Cartref Ysgol

Mae gennym 'Gytundeb Cartref/ Ysgol' – sy'n nodi yr hyn a ddisgwylir o ran ymrwymiad rhieni a disgyblion i gefnogi'r ysgol. Mae hefyd yn nodi ymrwymiad yr ysgol i gydweithio a darparu'r gorau i rieni a disgyblion fel bod pob disgybl yn derbyn y cyfleoedd gorau posibl i ddysgu a datblygu. Mae copi ohono ar wefan yr ysgol.

Presenoldeb, Prydlondeb ac Absenoldebau



Yn Ysgol Bro Plenydd credwn fod presenoldeb a phrydlondeb yn eithriadol o bwysig ar gyfer tyfu a datblygu yn addysgol a chymdeithasol.

Os nad yw disgybl yn bresennol yn yr ysgol mae'n colli profiadau gwerthfawr, cyfleoedd i ddysgu a chyrraedd ei wir botensial .

Gweler ein pamffledyn ar gyfer rhieni ar ein gwefan : **Mae'n Bwysig Bod Yma !**

Disgwylir i bob plentyn gyrraedd yr ysgol erbyn 8.55am ar gyfer cychwyn y diwrnod ysgol am 9.00am.

Pan fydd plentyn yn sal neu'n methu a bod yn bresennol am resymau eraill disgwylir i chwi gysylltu a'r ysgol i'n hysbysu o hynny os gwelwch yn dda a llenwi'r ffurflen absenoldeb pan mae eich plentyn yn dychwelyd. Mae cyflenwad o lyfrynnau absenoldeb ar gael yn yr ysgol ac ar ein gwefan.

Absenoldebau

Yn unol a chanllawiau Llywodraeth Cymru bydd yr ysgol yn cofnodi absenoldebau mewn dwy ffordd :

Absenoldebau awdurdodedig neu anawdurdodedig.

Absenoldebau awdudordedig yw absenoldebau a eglurwyd ac sy'n rhaid dilys yng ngolwg yr ysgol e.e salwch ac apwyntiadau meddygol.

Caniateir hefyd hyd at 5 diwrnod ysgol o wyliau teuluol mewn un flwyddyn ysgol gyda chaniatad o leiaf 10 diwrnod ysgol o flaen llaw. Ystyrir pob cais yn unigol gan y Pennaeth.

Er hynny rydym yn annog rhieni yn gryf i beidio a thynnu eu plant allan yn ystod y flwyddyn ysgol gan fod parhad yn hollbwysig i sicrhau dysgu effeithlon a magu hyder .

Absenoldebau anawdudordedig yw absenoldebau heb eu hesbonio o gwbl neu absenoldebau heb resymau dilys iddynt yng ngolwg yr ysgol.

Mae'r ysgol yn cofnodi presenoldeb yn electroneg. Mae'r cofnod ar gael yn ganolog a bydd yn cael ei archwilio yn rheolaidd gan y Swyddog Lles Addysg.

Bydd yr ysgol yn llythyru â rhieni plentyn sydd a phatrwm o bresenoldeb anfoddhaol . Gall y Swyddog Lles Addysg ymweld a chartrefi unrhyw rieni yr ystyrir cyfraddau presenoldeb eu plentyn yn bryder i'r ysgol a'r Awdurdod Addysg.



Cyfraddau Presenoldeb 2023—2024

Presenoldeb Blwyddyn : 94.1 %

Genethod : 94.1%

Bechgyn : 94 %

Absenoldebau a Awdurdodwyd – 5%

DYSGU AC ADDYSGU

Y Gymraeg

Y Gymraeg fydd prif gyfrwng bywyd a gwaith y Blynyddoedd Cynnar er mwyn i'r disgyblion ddatblygu sylfaen gadarn yn yr iaith. Dechreuir cyflwyno y Saesneg yn swyddogol ar ddiwedd Blwyddyn 2 yn y Cam Sylfaen.

Cymraeg fydd prif gyfrwng bywyd a gwaith Yr Adran Iau hefyd gyda defnydd cynyddol o'r Saesneg fel a'r disgyblion ymlaen drwy'r ysgol fel eu bod erbyn diwedd Blwyddyn 6 yn gwbl ddwyieithog.

Credwn ei bod yn fraint i'n disgyblion gael cyfranogi o'u haddysg mewn dwy iaith.



Patrwm Gweithio

Gwneir pob ymdrech i sicrhau addysg er mwyn datblygu agweddau moesol, diwylliannol, meddyliol a chorfforol pob disgybl a bod natur y paratodau addysgol yn wahaniaethol, eang a chytbwys. Er mwyn ymateb i'r gofynion uchod gweithredir trefniadaeth dosbarth hyblyg gyda gwaith yn cael ei ddarparu weithiau ar sail oedran. Dro arall ceir plant o ystod oedran sy'n rhychwantu mwy nag un flwyddyn ysgol yn cydweithio ar yr un dasg.

Bydd plant yn cael eu dysgu fel uned ddosbarth dan ofal un athro / athrawes.

Bydd y profiadau dysgu yn cael eu cynllunio yn fanwl ac yn strwythuredig gan sicrhau fod profiadau eang a chytbwys ar draws y cwricwlwm. Dilynir y dulliau thematig er mwyn rhoi profiadau traws gwricwlaidd, gyda'r bwriad o gynnig addysg blentyn canolog.

Rhoddir sylw i addysgu Mathemateg a Iaith yn bynciau yn y boreau ond fe'u haddysgir hefyd yn draws gwriciwlar.



Y Blynyddoedd Cynnar

Mae cyfnod y Blynyddoedd Cynnar yn rhoi pwyslais mawr ar ddatbygu'r plentyn cyfan drwy hybu sgiliau a dealltwriaeth, lles personol, cymdeithasol ac emosiynol, corfforol a deallusol. Gosodi pwylsais mawr ar blant yn dysgu drwy wneud. Drwy 'chwarae' gyda syniadau, arbrofi, cymryd risgiau, datrys problemau a gwneud pederfyniadau unigol, mewn grwpiau bach a mawr bydd y plant yn ymarfer ac atgyfnerthu eu dysgu. Gwneir hyn mewn amgylcheddau dan do ac awyr agored sy'n llawn hwyl, yn gyffrous, yn ysgogol ac yn ddiogel i hybu chwilfrydedd naturiol plant i archwilio a dysgu trwy brofiadau uniongyrchol. Mae'r amgylchedd yn hybu sgiliau darganfod ac anibynnuaeth.



Plant 7—11 Oed

Yn y cyfnod 7—11 oed bydd y plant yn adeiladu ar y sgiliau, y wybodaeth a'r ddealltwriaeth a ddatblygwyd yn y Blynyddoedd Cynnar.

Iaith : Y Gymraeg a'r Saesneg

Llafaredd, Darllen ac Ysgrifennu

Iaith yw sylfaen dysg pob plentyn. Hebddi ni all wneud synnwyr o'r byd o'i gwmpas nag ymateb i'w brofiadau.

Ein nod yw meithrin agwedd bositif a chadarnhaol at iaith ym mhob plentyn fel y gall ei defnyddio yn gynyddol hyderus a chywir wrth siarad, gwrando, darllen ac ysgrifennu.

Byddwn yn cyflwyno plentyn i'r traddodiad llenyddol Cymreig a Saesneg yn ei ffurfiau amrywiol er mwyn meithrin diddordeb a phleser a fydd gobeithio yn parhau oes.



Gwrando a Siarad

Byddwn yn datblygu gallu plentyn i wrando mewn sefyllfa dorfol, fel rhan o grwp ac fel unigolyn . Credwn fod hon yn sgil werthfawr a phwysig i'w ddatblygu mewn plentyn. Dim ond drwy wrando yn ofalus y daw i ddeall a dysgu. Mae gwrando yn gallu rhoi pleser a mwynhad ac yn ein helpu i ymateb yn gynyddol ddeallus a chreadigol i'r byd o'n cwmpas.

Ein nod yw meithrin plentyn i fod yn gynyddol gyfforddus a hyderus wrth siarad ym mhob sefyllfa. Rhown bwyslais ar siarad yn glir, dealladwy a chywir. Ceisir hefyd ddatblygu ymwybyddiaeth mewn plentyn o'r iaith gywir a phridol i'w defnyddio wrth ymateb mewn amrywiol sefyllfaoedd.

Darllen

Dyma sgil sy'n gwbl greiddiol i ddatblygiad pob un ohonom. Ein nod yn Ysgol Bro Plenydd yw yn gyntaf greu darllenwr o bob plentyn fel ei fod yn mwynhau darllen o ran pleser a diddanwch. Byddwn hefyd yn meithrin plentyn i fod yn ddarllenwr cywir a deallus fel ei fod yn gallu defnyddio'r sgil i gasglu gwybodaeth a dyfnhau ei ddealltwriaeth o'r byd mae'n byw ynddo. Datblygir hefyd allu y plentyn i ymateb i agweddau o destunau yn feirniadol.

Ysgrifennu

Byddwn yn rhoi cyfleoedd i blentyn ysgrifennu mewn ymateb i amrywiaeth eang o brofiadau a sefyllfaoedd . Bydd plentyn yn datblygu ei sgil o ysgrifennu yn greadigol a ffeithiol i wahanol bwrpas. Addysgir plentyn am y gwahanol ffurfiau ysgrifennu a'u nodweddion gan feithrin ei sgil i allu dewis y cyfrwng priodol ar gyfer ysgrifennu. Datblygir gallu plentyn i ysgrifennu yn gynyddol gywir fel yr a ar ei daith drwy'r ysgol.



Mathemateg / Rhifedd

Mae defnyddio sgiliau mathemateg yn rhan hanfodol o fywyd pob dydd ac mae cysyniadau mathemategol i'w gweld ym mhobman yn y byd o'n cwmpas.

Ein nod yn Ysgol Bro Plenydd yw meithrin mwynhad at Fathemateg ym mhob plentyn ac agwedd bositif ac iach tuag at y pwnc.

Mae datblygu strategaethau meddwl clir, defnyddio iaith fathemategol i egluro a thrafod a'r gallu i resymegu yn hanfodion y pwnc. Ein nod ydyw y bydd gallu plentyn i wneud hynny yn hyderus a rhwydd yn cynyddu fel yr a ar ei daith drwy'r ysgol.

Cymhwysedd Digidol

Dyma bwnc sy'n datblygu ar gyflymder aruthrol yn barhaus. Mae datblygiadau diweddar yn galluogi plentyn i fod mewn cyswllt a'i fyd yn barhaus. Yn yr ysgol byddwn yn anelu at ddatblygu sgiliau cyfrfiadu-raeth yn drawsgwricwlaidd.

Fframwaith Cymhwysedd Digidol

Mae'r Fframwaith Gymhwysedd Ddigidol wedi bod yn weithredol mewn ysgolion yng Nghymru ers Medi 2016 pan ofynodd y llywodraeth i ysgolion ddatblygu dealltwriaeth ohoni a dechrau cynllunio ar ei chyfer. O fis Medi 2017 ymlaen roedd disgwyl i ysgolion ei integreiddio i'r cwricwlwm. Mae'r Fframwaith yn canolbwyntio ar ddatblygu sgiliau digidol y gellir eu defnyddio yn draws gwricwlaidd.



Addysg Crefydd, Gwerthoedd a Moeseg

Er nad yw'r ysgol yn dal cyswllt uniongyrchol ag unrhyw enwad, y ffydd Gristnogol yw sail Addysg Grefydd, Gwerthoedd a Moeseg yr ysgol.

Cyflwynir Addysg Crefydd, Gwerthoedd a Moeseg yn Ysgol Bro Plenydd yn unol a Maes Llafur Cytunedig yr Awdurdod Addysg Lleol gyda'r nod o wneud plant yn ymwybodol o'r cefndir crefyddol a'r safonau derbyniol o ran ymddygiad a moesoldeb yn y wlad hon.

Mae datblygu gwybodaeth a dealltwriaeth am egwyddorion crefyddau mawr y byd a chydabod pwysigrwydd crefydd yn mywydau pobl yn helpu datblygu goddefgarwch a pharch a ddylai helpu feithrin agweddau cyfrifol yn y plant o fewn eu cymdeithas eu hunain a thuag at y byd yn eangach.

Cyd Addoli

Cynhelir ffurf o addoliad dyddiol yn unol a gofynion Deddf Addysg 1986. Bydd gwasanaeth ysgol gyfan yn cael ei gynnal yn y Llyfrgell ac yn y dosbarthiadau. Mae'r cyd addoli yn cyfrannu at ethos ac awyrgylch yr ysgol. Ceisir sicrhau fod y cyd addoli yn berthnasol i fywyd pob dydd y plant ac ei fod yn fodd i ddatblygu agweddau cadarnhaol yn ymwneud plant a'i gilydd megis empathi, gofal a pharch. Pwysleisir y grefydd Gristnogol yn bennaf ynghyd â chyflwyno crefyddau eraill mawr y byd.

Fel y caniateir o dan y Ddeddf Addysg, gall y rhieni hynny sy'n gwrthwynebu i'w plant gymryd rhan yn y cyd addoli drefnu gyda'r Pennaeth iddynt gael eu hesgusodi.



Gwersi Offerynnol

Mae'r ysgol yn cynnig gwersi offerynnol telyn a phres gan Wasanaeth Cerdd Ysgolion Gwynedd a Mon. Bydd athrawon teithiol yn ymweld a'r ysgol yn wythnosol i gynnal gwersi. Mae telyn yn yr ysgol ac mae modd llogi un ar gyfer pwrpas ymarfer trwy gynllun arbennig. Bydd y plant sy'n derbyn gwersi pres yn gallu llogi offerynnau drwy'r Gwasanaeth Cerdd. Bydd yr ysgol yn talu cyfran helaeth costau y gwersi a gofynir am gyfraniad o £37.50 y tymor ar gyfer pob plentyn.

Cynigir gwersi i blant 7-11oed yn unig. Bydd plant yn gwneud cynnydd da ac mae modd ymuno a cherddorfa y cynllun sy'n ymarfer yn Ysgol Glan y Môr, Pwllheli. Mae ymarfer rheolaidd gartref yn hanfodol !



Addysg Gorfforol

Mae Gweithgareddau Corfforol yn bwysig er datblygu hyder a mwynhad mewn plant mewn gweithgareddau o'r fath. Y gobaith ydyw y bydd arferiad oes o weithgarwch corfforol rheolaidd yn cychwyn yn yr ysgol. Bydd hyn yn arwain at iechyd a ffitrwydd yn ogystal a chyfle i gymdeithasu drwy weithgareddau.

Anelir at gynnig 1 awr yr wythnos o weithgarwch Addysg Gorfforol yn y Blynyddoedd Cynnar a thua 1 awr a chwarter yn yr Adran Iau.

Bydd gwersi gymnasteg y BC yn digwydd yn Neuadd yr Ysgol ac yng Nghanolfan Hamdden Dwyfor ar gyfer yr Adran Iau.

Cynigir gwersi nofio a gymnasteg ar gyfer plant 7—11 oed yng Nghanolfan Hamdden Dwyfor ar foreau Iau yn ystod Tymor yr Hydref a'r Gwanwyn.

Mae'r ysgol yn talu am gael defnyddio'r ganolfan ac am yr hyfforddwyr. Gofynnir yn garedig am gyfraniad o £26 y plentyn y tymor i dalu am gostau'r bws. **Ni ellir parhau â'r trefniant hwn heb y cyfraniadau hyn.**



Yn yr ysgol cynnigir gwersi gemau, athletau a chyfeiriannu. Yn dilyn hyfforddiant cyfeiriannu dyluniwyd map cyfeiriannu ar gyfer yr ysgol er mwyn datblygu gweithgareddau awyr agored a datrys problemau.



Ymdrechir hefyd i gymryd rhan mewn amrywiol weithgareddau chwaraeon, megis gemau pêl-droed a phelrwyd, sialensau sgipio, Clwb Ffitwydd a hoci.

Bydd plant CA2 yn cyfarfod gweddill plant y dalgylch yn dymhorol yng Nghanolfan Hamdden Dwyfor neu yng Nghlwb Chwaraeon Pwllheli ar gyfer chwaraeon a mabolgampau cystadleuol.

Mae Clwb Cerdded Plenydd yn ceisio cynnal dwy daith gerdded y flwyddyn mewn lleoliadau amrywiol er mwyn i'r plant gael mwynhau y profiad o gerdded yn estynedig yn yr awyr agored .



Addysg cydberthynas a rhywioldeb

Rydym yn cyflwyno Addysg cydberthynas a rhywioldeb drwy'r ysgol. Mae'r gwaith a gyflwynir yn cyd-fynd â Chynllun Ysgolion Iach Gwynedd. Yn unol â pholisi'r ysgol, byddwn yn ychwanegu yn gyfrifol ac yn ddatblygiadol at wybodaeth a phrofiadau plant am eu cyrff a'u perthynas â'r byd o'u cwmpas. Trwy wneud hyn bydd disgyblion yn gallu delio yn well gyda glasoed, yn datblygu dealltwriaeth o beth yw perthynas iach a sgiliau a hunan-barch i dyfu yn uni-golyn hyderus.

Bydd yr ysgol yn defnyddio DVD Sense a phecyn Tyfu Ysgolion Iach Gwynedd.

Mae copi o bolisi Addysg cydberthynas a rhywioldeb i'w gael yn yr ysgol ac ar ein gwefan ac mae taflen wybodaeth i rieni ar gael hefyd yn egluro yr hyn a gyflwynir i blant yn y gwahanol flynyddoedd



Sut Ddysgwr yw Eich Plentyn ?

Yn Ysgol Bro Plenydd rydym yn ceisio cynnig safon uchel o addysg i bob plentyn. Mae ein disgwyliadau yn uchel o'n staff a'n plant.

Nid dysgu ffeithiau yn unig yw addysg. Fel rhan o'u dysgu mae'r plant yn dod i adnabod eu hunain fel dysgwyr. Rydym ym meithrin plant i ddod i ddeall sut mae nhw'n dysgu.

Mae'r plant yn dod yn ymwybodol o'u cryfderau a sut mae nhw'n dysgu orau , gwybodaeth sydd yn bwysig iddynt fel dysgwyr gydol oes.



Gwaith Cartref

Rhoddir gwaith cartref yn y Cam Sylfaen. Bydd y gwaith cartref yn seiledig ar hanfodion dysgu fel arfer ac o bryd i'w gilydd gwaith ymchwiliol sydd yn codi o'r thema neu efallai waith creadigol.

Gosodir gwaith cartref yn rheolaidd i blant CA2.

Bydd gwaith cartref yn cynnwys cofnodi sylwadau am eu llyfrau darllen, dysgu tablau lluosï a rhestrau sillafu. Gall gwaith cartref gynnwys tasgau ym meysydd rhifedd a llythrennedd i gydfynd â'r gwaith a wneir yn y dosbarth ar y pryd neu ar waith a wnaethpwyd yn barod er mwyn ymarfer a chadw cysyniadau yn fyw yng nghof y plentyn a chefnogi a hyrwyddo sgiliau.

Bydd y plant yn gweithio ar thema arbennig yn y dosbarth ac yn achlysurol, gosodir gwaith ymchwil i'r plentyn wneud gartref ar wahanol agweddau o'r thema. Pan ddigwydd hynny, gobeithir y bydd y cartref yn cydweithredu i hybu gwaith y plant.

Darllen

Anogir pob plentyn yn yr ysgol i ddod yn ddarllenwr. Yn y Blynyddoedd Cynnar bydd y Ffeil Ddarllen yn mynd adref yn rheolaidd bob wythnos er mwyn ymarfer a rhannu eu darllen gyda'u rhieni.



Anogir plant yr Adran Iau i fenthyg llyfrau o 'r ysgol i'w darllen yn rheolaidd a disgwylir iddynt gadw cofnod o'u darllen.

Gofynnir i rieni annog eu plant i ddarllen yn gyson ac i sicrhau eu bod yn gwneud eu gwaith cartref yn brydlon ac i orau eu gallu.

Cylchgronnau

Caiff bob plentyn gyfle i dderbyn cylchgronnau Cip ac WCW.


Meddylfryd o Dwf

Yn ystod 2017—2018 bu Ysgol Bro Plenydd yn aelod o brosiect Shirley Clarke, Exceeding expectations through formative assessment.

Yn dilyn hynny mae'r ysgol yn rhoi blaenoriaeth ar ddefnyddio strategaethau amrywiol i ddatblygu diwylliant o ddysgu ble mae dysgwr yn cefnogi dysgu ei gilydd ac yn dathlu llwyddiant dysgu ei gilydd.

Mae'r ysgol yn meithrin dysgwyr i ddefnyddio pwerau dysgu i lwyddo yn eu dysgu ac i ddeall yr hyn maent yn ei ddysgu, pam eu bod yn ei ddysgu ac sut i ddysgu yn llwyddiannus.

Polisi Anghenion Dysgu Ychwanegol



Mae deddf newydd wedi ei chreu gan Lywodraeth Cymru ar gyfer cefnogi dysgwyr ag Anghenion Dysgu Ychwanegol [ADY a Ch] sef Bil Anghenion Dysgu Ychwanegol a'r Tribiwnlys Addysg 2018.

Mae trefniadau mewn lle ar gyfer symud o'r gyn system [AAA] i'r system Newydd [ADY].

Mae'r system anghenion dysgu ychwanegol (ADY) yn cael ei rhoi ar waith yn raddol rhwng mis Medi 2021 a mis Awst 2024.

Mae Llywodraeth Cymru wedi creu gwefan o'r enw Anghenion Dysgu Ychwanegol a Chynhwysiad er mwyn rhoi gwybodaeth i rieni ynglyn a :

Y drefn newydd

Gwasanaethau ADY a chynhwysiad sydd ar gael ar gyfer cefnogi plant yng Ngwynedd

Digwyddiadau allweddol ADY yng Ngwynedd

Mynediad i'r gwasanaeth ADY yng Ngwynedd

Mae'n ofynnol bod gan bob ysgol gyd – gysylltydd A.A.A ymysg ei staff ac aelodau'r corff llywodraethol.

Yn ystod y flwyddyn 2024 - 2025 Miss Hayley Griffith a Mrs Natalie Coles – Williams a fydd yn ymwneud a'r cyfrifoldebau uchod.



Y System ADY :

Os yw'n dod i'n sylw ni neu'n ymddangos i ni y 'gall' fod ADY ar blentyn yna byddwn yn gwneud y penderfyniad os oes angen ymchwilio fod gan y plentyn ADY.

Os oes gan y plentyn **Gynllun Dysgu Unigol** yn barod neu ein bod fel ysgol eisoes wedi penderfynu ac yn fodlon nad yw anghenion y plentyn wedi newid ac nad oes gwybodaeth newydd yn cael ei gyflwyno neu os yw'r Awdurdod Addysg Lleol yn gyfrifol am y plentyn yna efallai na fyddwn yn penderfynu parhau i ymchwilio.

Os ydym yn dod i'r penderfyniad fod angen ymchwilio fod gan blentyn ADY yna byddwn fel ysgol yn :

Dynodi cydlynnydd i fod yn gyfrifol am gydlynw'r broses ac yn cofnodi manylion yn ofalus gan hysbysu rhieni a gwahodd rhieni a'r plentyn i gyfarfod cychwynnol.

Bydd amserlen yn cael ei gosod i'r broses .Byddwn hefyd yn cynnwys asiantaethau eraill os y credwn fod hynny yn briodol

Os ydym wedi dod i'r penderfyniad fod gan y plentyn anhawster neu anabledd dysgu yna byddwn yn penderfynu a ydyw'r anhawster neu'r anabledd yn gofyn am ddarpariaeth dysgu ychwanegol

Os ydyw—bydd yr ysgol yn creu Cynllun Dysgu Unigol ar gyfer y plentyn a bydd cyfle i'r rhieni a'r plentyn roi sylwadau arno a byddent yn derbyn mynediad iddo

Bydd yr ysgol yn cynnal ac yn adolygu y CDU

Os yw'r ysgol yn penderfynu na all ddarparu darpariaeth dysgu ychwanegol digonol i'r plentyn yna bydd yr ysgol yn cyfeirio'r penderfyniad i'r Awdurdod Addysg Lleol

·Os bydd yr AALI yn penderfynu fod gan y plentyn ADY yna bydd yr AALI yn creu CDU ar gyfer y plentyn ac yn gyfrifol am ei gynnal a'i adolygu

Bydd yr ysgol yn helpu yr AALI gynnal y CDU a'i adolygu

Os bydd yr ysgol yn penderfynu nad oes gan y plentyn ADY yna byddwn yn hysbysu y rhieni a'r plentyn ac yn egluro ein rhesymau

Byddwn hefyd yn rhoi cyfle i drafod ymhellach

Trwy'r holl gamau hyn, gwahoddir y rhieni i drafod materion gyda'r ysgol . Y nod bob amser yw bod yr ysgol a'r rhieni yn cydweithio i gy-northwyo'r plentyn.

Trefniadau Mynediad Plant ag ADY i'r Ysgol

Derbynnir unrhyw blentyn ag ADY sy'n byw tu allan i ddalgylch yr ysgol os nad yw rhifau'r ysgol dros y rhif mynediad yn barod [sef trigian yn achos Ysgol Bro Plenydd] ac fod ei rieni yn dymuno iddo fynychu yr ysgol.

Pan dderbynnir plentyn newydd i'r ysgol o ysgol arall yng Ngwynedd neu Mon gwneir defnydd trwyadl o'r cofnodion a ddaeth gydag ef o'i ysgol flaenorol i ganfod sut fath o ddarpariaeth addysgol sydd ei angen ar ei gyfer. Os bydd gan y plentyn CDU bydd y cynllun yn parhau i gael ei gynnal.

Os y trosglwyddir plentyn o Sir arall yng Nghymru a bod tystiolaeth SIMS fod gan y plentyn CDU yn ei gyn ysgol yna bydd trafodaethau yn parhau mewn panel yng Ngwynedd.

Os y trosglwyddir plentyn o ardal yn Lloegr ac fod yr Awdurdod Lleol yn Lloegr yn cadw EHC i'r plentyn mae'n rhaid i'r ysgol baratoi CDU i'r plentyn.

Polisi Iaith

Mae Awdurdod Addysg Gwynedd yn gweithredu polisi dwyieithog trwy holl ysgolion Gwynedd .

Yr amcan yw datblygu gallu plant i fod yn hyderus ddwyieithog er mwyn eu galluogi i fod yn aelodau cyflawn o'r gymdeithas ddwyieithog y maent yn rhan ohoni.

Ysgol naturiol Gymraeg yw Ysgol Bro Plenydd ac mae'r staff a'r disgyblion yn ymdrechu'n galed i gadw naws ac awyrgylch Gymreig yr ysgol.

Edrychwn ymlaen i groesawu rhieni y mae'r Gymraeg yn ddiethr iddynt i gyfranogi o'r diwylliant arbennig yma.



Gobeithiwn y byddwch yn parchu'r diwylliant ac yn ymfalchio bod eich plentyn yn cael cyfle i fod yn ran ohono gan y bydd yn cyfoethogi cymaint ar brofiadau dysgu eich plant. Parchwn eich hawl chi i ddefnyddio'r iaith a ddewisir gennych, a byddwch yn derbyn gohebiaeth ddwyieithog o'r ysgol.



Pan ddaw plant newydd i'r ysgol nad ydynt yn gallu siarad y Gymraeg fe sicrheir eu bod yn hapus a chartrefol cyn gwneud popeth posibl i ddysgu'r Gymraeg iddynt, a gwneir hyn cyn gynted ag sydd bosibl er mwyn iddynt allu cymryd eu lle naturiol ym mywyd yr ysgol a'r gymdeithas. Bydd trefniadau yn cael eu gwneud i'r plentyn ymweld am dymor ag Uned Iaith Llanygybi, lle ceir darpariaeth ddwys a thrylwyr dan arweiniad arbenigol. Bydd trafnidiaeth yn cael ei ddarparu i gludo'r plant o ddrws i ddrws.



Siarter Iaith

Gweithredir Siarter Iaith drwy holl ysgolion Cymru. Ei nod yw gwarchod y diwylliant dwy ieithog arbenig sy'n bodoli yma yng Ngwynedd. Mae pob ysgol wedi datblygu ei gweledigaeth parthed y Siarter ac wedi gweithio tuag at ei gwobrau : efydd, arian ac aur. Bydd Ysgol Bro Plenydd yn parhau i geisio cadw y statws gwobr aur.



Gweithgareddau Allgyrsiol

Mae Ysgol Bro Plenydd yn cynnig rhaglen o weithgareddau allgyrsiol sy'n cynnwys Yr Urdd, clybiau amrywiol ac ymweliadau yn ogystal a chefnogi Eisteddfod Gadeiriol Y Ffor.



Yr Urdd

Mae Adran yr Urdd yn bodoli yn Y Ffôr ers blynyddoedd lawer.

Yn ddiweddar mae pob plentyn sy'n aelod o'r Urdd wedi bod yn cael cyfle i gystadlu mewn gweithgareddau Celf a Chrefft, cystadlaethau llwyfan a chwaraeon ac wedi bod yn mynychu cyfarfodydd gwyl o'r Urdd yn yr ysgol.



Clybiau

Mae cyfle i blant ymuno a chlybiau amrywiol wedi oriau yr ysgol— dawnsio gwerin, garddio, Ffrangeg, peldroed, rygbi a phelrwyd. Mae pob plentyn yn nau ddosbarth hynaf yr ysgol yn aelod o Glwb Cerdded Plenydd.



Ymweliadau

Bydd yr athrawon yn trefnu ymweliadau i gyfoethogi themau a astudir yn y dosbarth. Bydd dosbarth hynaf yr ysgol yn cael cyfle i ymweld a Gwersyll yr Urdd, Glanllyn ar ymweliad preswyl.

Eisteddfod Gadeiriol Y Ffor

Bydd plant yr ysgol yn cefnogi ein heisteddfod bentref drwy gystadlu yn aml yn yr Adran Gelf ac yn y cystadlaethau canu a llefaru. Yng nghyfarfod hwyr yr eisteddfod bydd plant Blwyddyn 6 yn ffurfio gosgordd i gyfarch y bardd bud-dugol.

Polisi Codi Tâl


Bydd yr ysgol yn gofyn am gyfraniadau tuag at gostau y bws sy'n mynd a'r plant i Ganolfan Hamdden Dwyfor ar gyfer gwersi gymnasteg a no-fio. Gofynnir hefyd am gyfraniadau tuag at gostau teithio ar gyfer ymweliadau addysgol neu gostau tocyn mynediad neu hyfforddiant . Bydd yr ysgol hefyd yn gofyn am gyfraniadau tuag at gostau gwersi offerynnol gan Wasanaeth Cerdd Ysgolion Gwynedd a Mon.

Byddwn yn gyrru y wybodaeth berthnasol i rieni o flaen llaw. Mae'r ysgol bob amser yn barod i drafod pan fo rhieni yn pryderu am dalu unrhyw gostau.

Cyfle Cyfartal

Amcanir at gynnig cyfle cyfartal i holl ddisgyblion Ysgol Bro Plenydd. Teimlir na ddylai iaith, crefydd, oed, rhyw, gallu, cefndir, lliw croen nac unrhyw anabledd corfforol amharu ar gyfle plentyn i ymgymryd â chwricwlwm cyflawn yr ysgol a'i holl weithgareddau.

Dosbarthir plant i grwpiau yn ôl oedran a chymysg o ran rhyw a gallu. Ceisir sicrhau cyfleoedd i bob plentyn o fewn pob pwnc cwricwlaidd drwy dasgau addas i'w gallu boed hynny yn unigol, mewn pâr neu grŵp.



Ystyriwn fod pob unigolyn yn gyfartal ac y dylid rhoi parch i bob un.

Ystyriwn fod gwahaniaethu ar sail iaith, rhyw, crefydd, cefndir, oed, lliw croen, gallu neu anabledd corfforol yn hollol annerbyniol.

Amcanwn i bob aelod o gymuned yr ysgol boed yn ddisgybl, aelod o staff, llywodraethwr neu riant geisio eu gorau i hyrwyddo cyfleoedd cyfartal i bawb yn yr ysgol drwy gyfrannu'n bersonol at geisio creu amgylchfyd hapus a gofalgar sy'n ennyn hunan barch a pharch at eraill.

Amcanwn at osgoi unrhyw arfer o wahaniaethu lle na cheir cyfle cyfartal yng ngweinyddiad yr ysgol, yn y cwricwlwm addysgu ac yn gymdeithasol.

Cyfranogi

Mae'r Cynghorau Dosbarth a'r Cyngor Ysgol yn darparu cyfleoedd i'r disgyblion gyfrannu at yr hyn sy'n digwydd yn yr ysgol drwy roi barn a gwneud penderfyniadau. Drwy wrando ar lais y plentyn daw yr ysgol yn le hapusach. Mae'n fodd hefyd i'r staff addysgu a'r llywodraethwyr ddod i adnabod dyheadau y plant parthed eu hysgol.

Grwp Swyddogion Diogelwch y Ffordd

Bydd dau neu dri o ddysgwyr Blwyddyn 6 yn ymgymryd a'r rol yma yn flynyddol er mwy codi proffil pwysigrwydd diogelwch ar y ffordd ymysg gweddill y dysgwyr yn yr ysgol.

Masnach Deg

Mae'r ysgol yn ceisio cefnogi, yn hyrwyddo a defnyddio cynnyrch Masnach Deg pan yn bosibl. Gellir gweld copi llawn o'r polisi yn yr ysgol



Ysgol Iach / Ysgol Eco

Mae'r ysgol yn perthyn i gynlluniau Ysgolion Iach ac Ysgolion Eco, Gwynedd.

Drwy weithgareddau y ddau gynllun daw y plant i sylweddoli pwysigrwydd bwyta'n iach a datblygu ffitrwydd yn ogystal a materion yn ymwneud a chadwraeth, ail gylchu ac arbed ynni.



Rheolau Ymddygiad Ysgol

Disgwylir i bob plentyn ymddwyn yn gall, gyfrifol a chwrtais tra ma'n yr ysgol.

Yn Ysgol Bro Plenydd disgwylir i bob plentyn:

annerch aelodau o'r staff gan ddefnyddio teitl,
e.e. Miss, Mrs, Mr, Anti

barchu iard a chae chwarae'r ysgol

roi ysbwriel yn y bin

barchu adeilad mewnol yr ysgol a'i holl adnoddau

barchu eiddo eu cyfoedion

glirio a chadw eu heiddo eu hunain ac adnoddau'r ysgol

ddangos parch a chwarteisi at oedolion [yr holl staff ac ymwelwyr]

barchu ei gilydd a dangos gofal a chydymdeimlad

siarad a llais tawel o fewn yr adeilad

cerdded o fewn yr adeilad

ymddwyn yn briodol yn yr ystafell fwyta

gwrando ac ufuddhau i orchmynion athrawon.

roi unrhyw arian, ffôn symudol neu rywbeth gwerthfawr yng ngofal aelod o'r staff addysgu

Ni chaniateir:

dwyn

bwllo

celwydd

rhegi

trais

ymladd

digwyleidd-dra

siarad ar draws

crwydro'r dosbarth yn ddiamcan

amharchu adnoddau'r ysgol

poenydio plant eraill

tarfu ar wersi/awydd cyfoedion i weithio

gadael ystafell heb ganiatâd athro/athrawes/
goruchwyliwr cinio

gadael safle'r ysgol heb ganiatâd y Pennaeth
rhedeg tu mewn i'r adeilad.

dod a theganau i'r ysgol heb ganiatâd

bwyta melysion na chreision yn ystod amseroedd
egwyl [croesewir ffrwythau]

Ar ddechrau pob blwyddyn ysgol bydd plant pob
dosbarth yn cyfarfod i greu rheolau y dosbarth ar
gyfer y flwyddyn. Mae magu hunan ddisgyblaeth yn
elfen bwysig o addysg yr ysgol.



Disgyblaeth

Ni all unrhyw ysgol weithredu'n effeithiol i sicrhau addysg o'r ansawdd orau a datblygiad addysgol a moesol heb ddisgyblaeth gadarn a theg.

Mae disgyblaeth yn gyfrifoldeb ar bob athro/athrawes yn yr ysgol hon. Sicrheir bod pob aelod o'r staff dysgu yn ymwybodol o ac yn coleddu'r un disgwyliadau a safon ymddygiad drwy'r ysgol a'u bod yn ymwybodol o reolau a disgwyliadau'r ysgol. Mae cefnogaeth a chydweithrediad rhieni ble bo disgyblaeth yn y cwestiwn yn hanfodol. Mae'n rhaid i blentyn sylweddoli fod yr ysgol a'r cartref yn coleddu'r un safonau a bod gennym ein dau ddisgwyliadau uchel.

Mae'r corff llywodraethol yn berchen ar y ddogfennaeth ganlynol parthed disgyblaeth:


Datganiad o Egwyddorion ynglyn ag Ethos a Chynnal Ymddygiad

Polisi Ymddygiad a Chynllun Hyrwyddo Ymddygiad Cadarnhaol

Polisi Disgyblaeth

Polisi Bwlio.

Yn unol ag argymhellion Gwasanaeth Ysgolion Gwynedd mae Polisiau a Chynlluniau Ymddygiad a Disgyblaeth Ysgol Bro Plenydd wedi eu selio ar rai o egwyddorion Incredible Years – C Webster Stratton



Polisi Gwrthfwlio

Yma'n Ysgol Bro Plenydd rydym yn credu fod gan bawb sydd yma yr hawl sylfaenol i dderbyn eu haddysg heb gael eu bychanu, eu gorthrymu a'u sarhau. Mae'r staff, a'r plant yn gweithio gyda'i gilydd i greu awyrgylch hapus, gofalgar lle gall plant ddysgu'n braf. Ni dderbynnir bwllo o unrhyw fath. Mae'n gyfrifoldeb ar bawb i ddelio ag unrhyw achos, yn fuan ac yn effeithiol. Mae gennym bolisi Gwrth-fwlio ar gyfer ymateb i hyn.



Gofal Bugeiliol a Diogelu Plant

Y Pennaeth sy'n bennaf gyfrifol am drefniadaeth fugeiliol yr ysgol. Bydd pob plentyn yng ngofal eu-hathro dosbarth ond ceisia'r staff cyfan ddangos cyfrifoldeb ynglyn â lles holl ddisgyblion yr ysgol.

Mae pob aelod o staff yn yr ysgol hon yn gyfrifol am ddiogelu ac amddiffyn y plant sydd yn ei gofal. Os ceir pryderon ynglyn ag esgeulustra neu gamdrin corfforol, emosiynol neu rywiol yna mae'n ddyletswydd ar y staff yn unol a Threfn Diogelu Plant y Sir i adrodd ar y mater wrth Berson Dynodedig Diogelu Plant yr Ysgol.

Gall y Person Dynodedig ymgynghori a chydweithwyr proffesiynol yn ogystal ag asiantaethau perthnasol megis y Gwasanaethau Iechyd a Chymdeithasol. Yn dilyn hynny efallai y bydd yn rhaid i'r ysgol gyfeirio plentyn yn swyddogol i'r Gwasanaethau Cymdeithasol yn unol a phrotocol a chanllawiau y Sir. Ni fydd bob amser oherwydd natur y cyhuddiadau yn briodol i drafod y mater gyda rhieni cyn cyfeirio plentyn. Y Gwasanaethau Cymdeithasol a'r Heddlu sy'n gyfrifol am ymchwilio i gyhuddiadau.

CANLLAWIAU AMDDIFFYN PLANT YR YSGOL

Fel rhan o'r gyfundrefn amddiffyn plant, mae gan athrawon a staff ategol yr ysgol hon ddyletswydd i adnabod arwyddion o gamdriniaeth neu esgelustod posibl a chyfeirio'u pryderon at y personau cyfrifol yn yr ysgol neu'r Gwasanaethau Cymdeithasol yn syth.



Pryderu am blentyn:

Y Personau Cyfrifol am Amddiffyn Plant yn Ysgol Bro Plenydd yw: Person Dynodedig:

Mrs Carys Hughes, Ysgol Bro Plenydd, Y Ffor Rhif ffon cyswllt : 01766 810 625

Ail-berson: Mrs Mererid Prys Owen , Ysgol Bro Plenydd (01766 810 625)

Person Dynodedig Amddiffyn Plant y Corff Llywodraethol : Cadeirydd y Corff:

Mrs Caryl Wynn Jones-Parry,

Rhif ffon cyswllt : 01766 810 907

Drwy'r Tim Cyfeiriadau Plant, Gwasanaethau Cymdeithasol: Rhif Ffon Cyswllt :

01758 704 455

Person Cyswllt yn yr Awdurdod :

Bethan Helen Jones— 07977504344

Dylid cysylltu gyda'r person dynodedig Llywodraethwr neu'r Awdurdod os oes holiadau sydd yn ymwneud ag amddiffyn plant yn gysylltiedig a'r Pennaeth.

Plant Mewn Gofal

Cefnogir a hyrwyddir cyflawniad plant sy'n derbyn gofal mewn addysg yn unol a pholisiau'r ysgol. Y person dynodedig yw'r Pennaeth.



Anabledd a Hygerchedd

Mae cynllun yr ysgol yn sicrhau mynediad rhwydd ddisgyblion a rhieni sydd ag anableddau. Gwneir trefniadau arbennig rhwng yr ysgol a'r cartref pan fo disgybl sydd ag anableddau neu Anghenion Dysgu Ychwanegol yn cychwyn yn yr ysgol. Cysyllter â'r Pennaeth am ragor o fanylion. Mae'r ysgol yn sensitif i anghenion disgyblion sydd ag anableddau ac yn gwneud pob ymdrech i'w cynnwys ym mhob agwedd o fywyd a gwaith yr ysgol. Gellir darllen cynnwys y cynllun drwy gysylltu gyda'r Pennaeth

Cyfleusterau Toiledau Ysgol Bro Plenydd

Yn unol a Rheoliadau Addysg 1999 [Mangreoedd Ysgol] mae'r ysgol yn darparu toiledau a basnau ymolchi ar gyfer dysgwyr fel a ganlyn :

Disgyblion dros 5 oed : 1 toiled / basn ymolchi ar gyfer pob 20 disgybl

Mae 3 toiled a 2 basn ymolchi

Disgyblion o dan 5 oed : 1 toiled / basn ymolchi ar gyfer pob 10 disgybl.

Mae 3 toiled a 2 basn ymolchi ar gyfer disgyblion 5-7 oed

Mae 2 toiled a 2 basn ymolchi ar gyfer genethod 7 – 11 oed

Mae 2 unraniad ac 1 toiled ar gyfer bechgyn 7 – 11 oed

Glanheir toiledau yr ysgol yn ddyddiol.

Yn ystod Gwyliau'r Haf 2013 fe uwchraddwyd toiledau y bechgyn a'r genethod hyn.

Gwisg Ysgol

Mae gan yr ysgol hon wisg ysgol swyddogol, ond nid oes gorfodaeth ar blant i'w gwisgo. Er hynny, teimlir bod gwisg ysgol yn arwain at feithrin balchder yn yr ysgol ac ymdeimlad o berthyn iddi. Felly, anogir taclusrwydd gwisg bob amser.



TYMOR	GENETHOD	BECHGYN
Gaeaf	sgert lwyd neu drowsus ysgol du, crys polo gwyn, crys chwys neu gardigan Ysgol Bro Plenydd	trowsus ysgol du neu lwyd, crys polo gwyn, crys chwys Ysgol Bro Plenydd
Haf	sgert lwyd, crys polo coch Ysgol Bro Plenydd ffrog gingham wen a choch	trowsus ysgol neu drowsus cwta ysgol du neu lwyd crys polo coch Ysgol Bro Plenydd

Gellir archebu crysau chwys, cardiganau a chrysau polo coch Ysgol Bro Plenydd ynghyd ag eitemau eraill yn siop Londis, Y Ffor.

Gwerthfawrogir petai pob plentyn yn gwisgo esgidiau du i ddod i'r ysgol.

Dylai enw'r plentyn fod yn glir ar bob eitem.

Cinio Ysgol

Paratoir cinio yng nghegin yr ysgol gan y gogyddes Mrs Ellen Jenkins a'i chynorthwywraig Josephine Campbell. Dilynir bwydlen Gwasanaeth Ysgolion Gwynedd sydd wedi ei chynllunio'n arbennig gyda chydbwysedd deiet mewn golwg.

Mae cinio ysgol am ddim i bob plentyn. Gall rhieni gofrestru fel teulu hawl cinio am ddim yn gyfrinachol drwy Adran Budd daliadau Cyngor Gwynedd. Perchir cyfrinachedd yn yr ysgol yn ogystal.



Bocs Bwyd Iach

Gofynnir i chwi sicrhau fod cynnwys y bocs bwyd yn dilyn rheolau deiet cytbwys yn union fel cinio y Gwasanaeth Ysgolion.

Ni ddylai bocs bwyd gynnwys fferins. Mae'r ysgol yn caniatáu un eitem felys yn y bocs megis bisged neu deisen. Caniateir creision unwaith yr wythnos yn unig. Caniateir dŵr neu sudd ffrwythau ond ni chaniateir diod 'fizzy'.



Llefrith

Cynigir llefrith am ddim i holl blant y Blynyddoedd Cynnar. Mae llefrith ar gael i'w archebu yn yr ysgol ar gyfer plant yr Adran Iau.

Rheolau Cyffredinol yr Ysgol



Ni ddylai eich plentyn gyrraedd yr ysgol cyn 8.40 a.m. Ni chaniateir i unrhyw blentyn fod ar dir yr ysgol nac yn yr adeilad heb fod yr athrawon yn bresennol. **Nid yw'r staff dysgu yn cymryd cyfrifoldeb dros unrhyw blentyn a fydd yn cyrraedd cyn yr amser hwn.**

Caniateir i blant sy'n mynychu y Clwb Brecwast gyrraedd rhwng 8.10am a 8.40am

Bydd yr ysgol yn darfod am 3.30 p.m. i'r holl ddisgyblion. Danfonir y plant sy'n cerdded gartref, at dalcen y gegin.

Danfonir plant sy'n mynd adref mewn cerbyd i'r brif iard at y cerbydau.

Ni ryddheir plentyn i ofal neb dieithr. Felly, os yw rhywun nad yw'r ysgol yn ei adnabod yn dod i nôl eich plentyn, gofynnwn i chi hysbysu'r ysgol ymlaen llaw. Gofynnwn i chi, yn ogystal, ein hysbysu os yw eich plentyn yn mynd i gartref plentyn arall i barti neu i chwarae.

Yn y boreau bydd y llwybr bach ar agor i'r cerddwyr. Gofynnwn i bob cerddwr ei ddefnyddio os gwelwch yn dda.

Ni chaniateir i geir ddod ar iard yr ysgol yn ystod y dydd [9.00 a.m. - 3.00 p.m.]. Felly, os ydych yn dod i nôl eich plentyn o'r ysgol yn ystod y cyfnod hwnnw, gofynnir i chi barcio tu allan i giatiau'r ysgol.

Gan fod Ysgol Bro Plenydd ar ochr ffordd fawr, gul a pheryglus, mae'r corff llywodraethol yn caniatáu system unigryw iawn o adael i rieni ddod â'u ceir ar yr iard i nôl/hebrwng eu plant i/ o'r ysgol. Mae dyfodol y system yn ddibynnol ar ei diogelwch. Bydd rheolau defnyddio'r system yn cael ei yrru i bob rhiant ar ddechrau blwyddyn ysgol newydd.



Ni fydd gwersi cerddoriaeth nac addysg gorfforol yn cychwyn yn syth ar ddechrau tymor. Byddwn yn eich hysbysu drwy lythyr o'u hamser cychwyn.

Cynhelir gwersi addysg gorfforol yn rheolaidd bob wythnos. Disgwylir i'r plant ddod â dillad ac esgidiau addas i newid iddynt ar gyfer y sesiynau yma a'r rheini wedi'u labelu yn glir.

Disgwylir i bob plentyn gymryd rhan yn y gwersi addysg gorfforol. Os na fydd y plentyn yn cymryd rhan, yna dylai'r ysgol dderbyn eglurhad ysgrifenedig gan y rhiant.

Ni fydd yr ysgol yn cymryd cyfrifoldeb dros unrhyw eiddo personol a gollir neu a niweidir mewn unrhyw ffordd tra yn adeilad yr ysgol.

Ni chaniateir i blant ddefnyddio iard chwarae y Blynnyddoedd Cynnar ar ôl oriau ysgol. Mae hawl i bob plentyn ddefnyddio'r maes chwarae a'r brif iard wedi oriau'r ysgol.

Disgwylir i bob plentyn fynd allan ar yr iard i chwarae yn ystod eu cyfnod egwyl, os na fydd y tywydd yn anffafriol. Disgwylir i bob plentyn wisgo'n addas ar gyfer pob tywydd.

Disgwylir i bob plentyn barchu holl offer yr ysgol a'u defnyddio yn y ffordd gywir pan ar fenthyciad yn y cartref.

Dylai holl eiddo personol plentyn, h.y. eitemau o'i wisg ysgol a'i fag gael ei labelu'n glir gyda'i enw.

Os difrodir eiddo'r ysgol neu ran o'r adeilad oherwydd camymddwyn plentyn, disgwylir i'r rhiant dalu'n



Gwasanaethau Cefnogol

Bydd y nyrs ysgol a'r deintydd yn ymweld a'r ysgol yn achlysurol. Bydd gwasanaeth prawf clyw yn digwydd hefyd. Gellir cyfeirio plentyn i sylw y Therapydd Iaith a Lleferydd drwy'r ysgol.

Gofynnir i rieni hysbysu yr ysgol o unrhyw anabledd neu ataliaeth a all amharu ar ddatblygiad eich plentyn. Mae gwybodaeth lawn yn sicrhau ein bod yn gallu cynllunio'r gorau ar ei gyfer.

Trefn Gwyno

Mae'r Awdurdod Addysg Lleol, yn unol â gofynion Adran 29 o Ddeddf Diwygio Addysg 2002, wedi sefydlu trefn i ystyried cwynion am y modd y mae'r ysgol, Cyrff Llywodraethu a'r Awdurdod Addysg yn gweithredu mewn perthynas â chwricwlwm ysgol a materion eraill cysylltiedig.

Gellir ymdrin â llawer o gwynion yn gyflym ac effeithiol drwy sgwrs anffurfiol gyda'r athro dosbarth neu'r Pen-naeth. Hwn yw'r cam rhesymol cyntaf. Pe baech yn parhau'n anfodlon gellir gwneud cwyn ffurfiol i Gadeirydd y Llywodraethwyr drwy'r ysgol. Mae'r Llywodraethwyr wedi sefydlu is-banel i ymdrin ag unrhyw gwyn ac wedi mabwysiadu'r weithdrefn a argymhellir gan yr Awdurdod Addysg Lleol ar gyfer ymdrin â chwynion.

Pe digwyddai'n annebygol eich bod yn teimlo nad ymdriniwyd â'ch pryder yn effeithlon, dylech ysgrifennu at yr Awdurdod Addysg Lleol.



Cyswllt yr Ysgol a'r Cartref

Bydd yr ysgol yn llythyru yn rheolaidd a rhieni i drosglwyddo pob math o wybodaeth am drefniadau, gweithgareddau a digwyddiadau. Gofynnir yn garedig i chwi ddarllen pob gohebiaeth yn ofalus os gwelwch yn dda. Mae gennym wefan ysgol hefyd yn llawn gwybodaeth gwerthfawr a thudalen gweplyfr.

Bydd rhieni yn cael eu gwahodd i nosweithiau rhieni yn ystod tymhorau yr Hydref, Gwanwyn a'r Haf.

Bydd yr ysgol yn cyflwyno adroddiad ar berfformiad disgyblion ac adroddiad flynyddol

Cau'r Ysgol

Byddwn yn gwneud pob ymdrech i gadw yr ysgol ar agor ar gyfer ein disgyblion. Weithiau fodd bynnag oherwydd tywydd garw neu argyfwng bydd rhaid gyrru'r plant adref yn gynnar a byddwn yn eich hysbysu o hynny yn syth. Weithiau bydd yn rhaid i'r Pennaeth wneud penderfyniad ben bore fod yr ysgol ynghau am y diwrnod. Bydd gwybodaeth or fath ar wefan Cyngor Gwynedd ac ar ein gwefan ni. Bydd y pennaeth hefyd yn tecstio neu ebostio pob rhiant. Os ydych mewn amheuaeth ffoniwch neu ebostiwn yn syth.

Corff Llywodraethol Ysgol Bro Plenydd



Mae rôl y llywodraethwyr yn hanfodol i ddatblygiad yr ysgol , Gwnant benderfyniadau ynglyn â sut mae'r ysgol yn cael ei gweithredu. Bydd y corff llawn yn cyfarfod o leiaf un waith bob tymor,.

Mae llywodraethwyr yn cael eu penodi i gynorthwyo :-

1. I benderfynu beth sydd yn cael ei ddysgu
2. I safoni ymddygiad y plant.
3. I gyfweld a phenodi staff.
4. I benderfynu sut mae gwario'r gyllideb.

Mae llywodraethwyr yn gallu bod yn:-

1. Rieni
2. Athrawon a staff ategol yn yr ysgol.
3. Cynrychiolwyr cynghorau lleol.
4. Cynrychiolwyr wedi eu cyfethol .

Mae rhiant-llywodraethwr :-

1. Gyda phlentyn yn yr ysgol.
2. Yn cael ei ethol/hethol gan rieni'r ysgol.
3. Yn gwasanaethu fel bob llywodraethwr arall am gyfnod o 4 blynedd.

Mae Rhiant - Llywodraethwr yn allweddol ar gyfer dod â barn rhieni i'r corff cyfan, ond gallant drafod fel unigolion. Mae ganddynt statws cyfartal a'r hawl i fwrw pleidlais.

Byddwch chi fel rhieni yn ethol 3 Rhiant - Llywodraethwr am gyfnod o 4 blynedd.

Corff Llywodraethol 2024—2025

Cadeirydd : Mrs Caryl Wynn Jones-Parry

Clerc : Ms Nerys Davies [annibynnol o'r Corff)

Staff yr Ysgol : Mrs Carys Hughes

Staff Ategol : sedd wag

Rhieni Mrs Lois Morgan Pritchard

Mrs Natalie Coles-Williams

Mrs Caryl Wynn Jones-Parry

Cyngorydd Lleol : Mr Richard Glyn Roberts

Cynrychiolydd Awdurdod Addysg : Mr Dylan Rhys Griffith

Cyfetholedig : Mr John Gareth Parry Mr Rhys Evans

Cynrychiolydd y Cyngor Cymuned :

Mr Gruffydd Wyn Jones



Cyfeillion yr Ysgol

Prif nod y Cyfeillion yw cefnogi y profiadau cyfoethog y mae Ysgol Bro Plenydd yn drefnu ar gyfer ei disgyblion.

Mae'r gwaith o wneud hynny yn mynd yn anoddach yn flynyddol yng ngwyneb toriadau yng nghyllidebau ysgolion.

Mae'r arian a godir yn flynyddol gan y Cyfeillion yn hanfodol i gefnogi yr hyn sy'n digwydd yn yr ysgol.

Byddent yn cyfarfod yn dymhorol i drafod syniadau a threfnu gweithgareddau codi arian i'r ysgol. Mae croeso i bob rhiant fod yn weithredol fel aelod ohoni.

Gwybodaeth Bersonol

Bydd pob rhiant yn cyflwyno gwybodaeth bersonol wrth gofrestru eu plentyn yn yr ysgol. Bydd yr ysgol hefyd yn gyrru ffurflen adnewyddu gwybodaeth bersonol allan ar gychwyn pob tymor newydd.

Os oes unrhyw newidiadau yn digwydd i fanylion personol eich plentyn yn ystpd y flwyddyn addysgol a fydddech mor garedig a’n hysbysu o hynny cyn gynted ac y bo modd os gwelwch yn dda.



Dyddiadau Tymhorau a Gwyliau Ysgol 2024—2025

Gwyliau ysgol	Yn cychwyn	Yn gorffen
Hanner tymor Hydref	28 Hydref 2024	1 Tachwedd 2024
Gwyliau Nadolig	23 Rhagfyr 2024	3 Ionawr 2025
Hanner Tymor Gwanwyn	24 Chwefror 2025	28 Chwefror 2025
Gwyliau Pasg	14 Ebrill 2025	25 Ebrill 2025
Calan Mai (gŵyl banc)	5 Mai 2025	
Hanner tymor Haf	26 Mai 2025	30 Mai 2025
Gwyliau Haf	22 Gorffennaf 2025	29 Awst 2025

Cysylltu â Ni

Mae'r ysgol yn gweithrerdu polisi drws agored felly os oes ganddoch bryder ynglyn ag unrhyw agwedd o fywyd neu waith eich plentyn yn yr ysgol dowch i gysylltiad yn syth.

Gan ein bod yn barhaus yn brysur byddwn yn gwerthfawrogi petaech yn cysylltu er mwyn trefnu amser cyfleus i chwithau a ninnau er trafodaeth.



Carys Hughes
[Pennaeth]